


# MGA TAGAPAG-EMPLEYO: PAANO LUMIKHA NG MAS LIGTAS SA COVID SA KAPALIGIRAN NG TRABAHO



Ang mga tagapag-empleyo ay responsable para mapababa ang panganib ng COVID-19 sa mga pinapasukan. Ang mga negosyo ay may mahalagang tungkulin upang maprotektahan ang mga empleyado at mga kostumer mula sa COVID-19.

## MGA DAPAT GAWIN KUNG ANG ISANG EMPELYADO AY KUMPIRMADO O HINIHALANG MAY COVID-19

- Himukin ang empleyado na magpasuri at manatili lamang sa bahay kung siya ay may sintomas na katulad ng sa COVID-19.
- Inaatasan ng batas ang mga tagapag-empleyo na payagan ang mga manggagawa na gamitin ang mga naipong pagliban na laan sa pagkakasakit (sick leave) o panahong laan sa pagbabakasyon (vacation time) kung sila ay positibong masuri sa COVID-19 o nahantad sa isang may bayrus (virus).
- Ituro sa empleyadong sumangguni sa mga mapagkukunang impormasyon na makikita sa [www.kingcounty.gov/depts/health/covid-19/workers.aspx](http://www.kingcounty.gov/depts/health/covid-19/workers.aspx) (Sa Ingles lamang)

Labag sa batas sa sinumang mga tagapag-empleyo na magtanggap o gumanti laban sa isang manggagawa na magsumbong ng mga alalahanin tungkol sa kalusugan at kaligtasan.

## PAANO MAGAGAWANG MAS LIGTAS ANG MGA ORAS NG PAHINGA

Ang mga lugar pahingahan sa trabaho ay maaring magkaroon ng mataas na banta ng panganib na makahawa ng COVID-19. Ang mga tagapag-empleyo ay maaring gumawa ng mga mahahalagang hakbang upang masigurong ligtas ang mga empleyado sa oras ng kanilang pahinga.

- **Mga lugar ng pahingahan:** Kung may lugar na pahingahan, himukin ang mga manggagawa na magpahinga sa labas, o payagan ang mga manggagawa na magpahinga sa mga karagdang mga silid na may maayos na bentilasyon.
- **Kapasidad:** Limitahan ang bilang ng mga tao sa silid ng pahingahan na hindi hihigit sa 50 porsyento.
- **Mga oras ng pahinga:** Maglaan ng mga pagitan sa mga oras ng pagpapahinga upang mabawasan ang bilang ng mga manggagawa na nagtitipon.
- **Panlipunang paglalayo:** Laging panatilihin ng mga manggagawa ang distansyang hindi bababa sa anim (6) na talampakan mula sa iba, habang nagpapahinga. Paghiwa-hiwalayin ang mga mesa at mga upuan upang ang mga empleyado ay magkakahiwalay na nakaupo sa distansyang hindi bababa ng anim (6) na talampakan (mas mainam kung ang distansya ay mas higit pa rito).
- **Bentilasyon:** Upang mabawasan ang pagkalat ng bayrus (virus) na dala ng hangin, isaalang-alang natin ang mga [steps to improve ventilation in the workplace](#), (Ingles lamang), sa konsulta ng isang propesyonal na HVAC.
- **Paggamit ng panakip sa mukha:** Paalalahanan ang mga manggagawa na magsuot ng mga panakip ng mukha kung hindi sila kumakain o umiinom.
- **Karatula:** Maglagay ng mga karatula na magpapaalala sa mga empleyado na magsuot ng panakip sa mukha, panatilihin ang pisikal na paglalayo, ugaliin ang madalas na paghuhugas ng kamay, at subaybayan ang personal na kalusugan.

**PARA SA MGA MAPAGKUKUNANG BABASAHIN UPANG MAKALIKHA NG MAS LIGTAS  
NA KAPALIGIRAN SA TRABAHO, BISITAHIN ANG  
[KINGCOUNTY.GOV/COVID/BUSINESS-TOOLKIT](http://KINGCOUNTY.GOV/COVID/BUSINESS-TOOLKIT) (SA INGLES LAMANG)**